

Sababu za Msingi za Unyonyaji wa Kijinsia, Dhuluma na Unyanyasaji wa Kijinsia (SEAH)

Kuna tofauti kati ya "Sababu za Msingi" na "Mazingira Magumu na Mambo Hatarishi" ya Unyonyaji wa Kijinsia, Dhuluma na Unyanyasaji wa Kijinsia (SEAH).

Mazingira Magumu na Mambo Hatarishi inamaanisha mambo mahususi katika mazingira ya mtu ambayo huongeza hatari ya wao kupatwa na Unyonyaji wa Kijinsia, Dhuluma na Unyanyasaji wa Kijinsia (SEAH). Kwa mfano, ukosefu wa makazi binafsi yaliyo salama unaweza kumuweka mwanamke kwenye hatari kubwa ya Unyonyaji wa Kijinsia, Dhuluma na Unyanyasaji wa Kijinsia (SEAH) kwa sababu ni rahisi kwa wahalifu kuingia sehemu hizo.

Sababu za Msingi, kinyume chake, ni mambo huunda kutokuwa na usawa wa kimadaraka unaowezesha watusika kutekeleza Unyonyaji wa Kijinsia, Dhuluma na Unyanyasaji wa Kijinsia (SEAH) bila kuadhibiwa. Kwa mfano, mtu anaweza kuwa kwenye hatari kubwa ya Unyonyaji wa Kijinsia, Dhuluma na Unyanyasaji wa Kijinsia (SEAH) iwapo anategemea usambazaji wa misaada ili kupata mahitaji yake ya msingi. Mambo yanayochangia huku kutokuwa na usawa wa kimadaraka yapo kwenye maeneo makuu mawili:



1. Kanuni zilizoota mizizi, zisizo na usawa na zenye madhara kitamaduni na kijamii, ambazo hutumiwa kusababisha madhara au kumtenga mtu au vikundi vyta watu dhidi ya jamii au madaraka. Kanuni hizi mara nyingi huweza kusababisha kutengwa kwa misingi ya utambulisho wa mtu au sifa kama vile jinsi, jinsia na utambulisho wa jinsia, ujinsia, ulemavu, rangi au dini.




2. Mgawanyo wa rasilimali usiolingana. Wale walio madarakani wanadhibiti ugawaji wa rasilimali. Watu wanaweza kutumia vibaya madaraka yao kuzuia rasilimali muhimu kutoka kwa wanawake na wasichana kwa malipo ya "upendeleo wa kingono". Rasilimali hizi zinajumuisha lakini haziishii kwenye: chakula, makazi, fedha, na utoaji maamuzi.

MAMLAKA NA UPENDELEO


JINSIA
NA
KANUNI
ZA
KIJAMII

MATABAKA YA
KIJAMII
AMBAYO
HUSABABISHA
KUTENGWA NA
MAZINGIRA
MAGUMU

IMANI KUHUSU
TABAKA,
RANGI,
UKABILA.



Mambo hatarishi na Sababu za Msingi za Unyonyaji wa Kijinsia, Dhuluma na Unyanyasaji wa Kijinsia (SEAH): Katika ngazi ya mtu binafsi, jamii, shirika na Kimuundo



Mtu huishi ndani ya mazingira na jamii pana. Mambo ambayo huongeza hatari ya Unyonyaji wa Kijinsia, Dhuluma na Unyanyasaji wa Kijinsia (SEAH) yapo kwenye kila ngazi (kimuundo, jamii, shirika, mtu binafsi), na mara nyingi huimariswa na kanuni za kijamii.

Mwingiliano kati ya utambulisho wa mtu na kanuni za kijamii kwenye mazingira yanayomzunguka unaweza kuwa muhimu katika kuamua usambazaji wa na upatikanaji wa madaraka.

Masuala ya madaraka na upendeleo ndiyo msingi wa aina zote za Unyonyaji wa Kijinsia, Dhuluma na Unyanyasaji wa Kijinsia (SEAH). Makundi yaliyotambuliwa kuwa ndiyo yako kwenye mazingira magumu zaidi na hatari ya Unyonyaji wa Kijinsia, Dhuluma na Unyanyasaji wa Kijinsia (SEAH) hasa ni yale yenye mamlaka na upendeleo mdogo kwenye muktadha wao. Kanuni za kijamii, na kishirika, ambazo huwatenga watu kwa mujibu wa jinsi, jinsia, utambulisho wa kijinsia, rangi, daraja, ujinsia na kabilo husaidia utamaduni wa kutoadhibiwa ambapo aina hizi za tabia ni za kawaida sana.

Ndani ya sekta ya misaada, kuna tofauti za kimadaraka ambazo huwaweka hatarini wanajamii mmoja mmoja na wafanyakazi wa misaada. Ili kushughulikia Unyonyaji wa Kijinsia, Dhuluma na Unyanyasaji wa Kijinsia (SEAH) katika sekta ya misaada ni lazima tutambue na kuhoji hizi sababu za msingi na kufanya kazi pamoja kuanzisha kanuni mpya.

Kwa habari zaidi juu ya mada hii tafadhali angalia [Muhtasari wa Ushahidi wetu juu ya Sababu za Msingi](#) na marejeleo yetu kuhusu [Kutumia Madaraka Vibaya](#).